

大清宣統政紀卷三十

宣統二年庚戌十二月辛未朔諭內閣

監國攝政王面奉

隆裕皇太后懿旨明年元旦皇帝毋庸行禮停止筵宴在外公主福

晉命婦亦毋庸進內行禮 又諭禮部奏明年元旦禮節請旨

遵行一摺著停止升殿受賀

現月

諭軍機大臣等電寄直隸總

督陳夔龍據電奏田文烈現署巡警道請暫緩陛見等語著照

所請

寄電

禁煙大臣溥偉等奏辦理京師各衙門禁煙情形查

出前後冊報不符者共有數百餘員甫經調驗而其中已戒復

吸潛帶煙藥者已有六員似此因循玩泄安望依限戒除現擬

嚴加稽核如結報稍有不符即行指名調驗情形如果可疑即

當從嚴參處總期戒斷淨盡以副朝廷實行禁煙之至意從之

摺包

壬申諭軍機大臣等前經降旨縮改於宣統五年開設議

院已明白宣示作爲確定年限不能再議更張乃不安本分之徒藉速開國會爲名仍復到處鼓惑各學堂學生多係年幼無知血氣未定往往被其愚弄輕發傳單紛紛停課聚衆要求聞奉天直隸四川等省均有此項情事恐他省亦在所不免似此無端荒棄正業奔走呼號日久恐釀成他變貽害民生學堂學生歷練未深本不准干預國家政治曾奉

先朝嚴諭刊入文憑懸爲厲禁乃歷時未久復染囂張之習是皆由辦學人員管教不嚴所致前已面諭學部尙書唐景崇通飭各省嚴行禁止著各省督撫再行剴切曉諭隨時彈壓嚴飭提學使及監督提調堂長監學等按照定章隨時開導查禁防範未然倘再有前項情事立即從嚴懲辦並將辦學人員一併重處以儆其餘如或仍前玩愒以致滋生事端定惟該督撫等是問將此諭各令知之

電寄

翰林院侍讀學士周爰諏奏陝西新軍

腐敗已極其故由撫臣恩壽任用私人道員王毓江爲督練公所總辦種種弊端經民人甘錫澤陳明諮議局呈請嚴究該撫僅將王毓江撤去總辦該新軍恃有撫臣袒護復敢毆傷村民陵侮學生又率衆乘夜搶劫民居應請飭部派員澈底嚴查以肅軍政下所司知之

摺包

給事中陳慶桂奏陽春改隸陽江窒

礙孔多以地勢言則接壤之地僅十之一以民情言則兩處之民素積不平請飭督臣派員查核仍隸肇府以期相安下會議政務處議

摺包

學部右侍郎李家駒等奏粵省賂餉抵款有著

懇恩降旨迅禁以革秕政而除民害得旨度支部速議具奏

摺包

郵傳部奏收回各省官辦電報酌擬辦法一各省綫路分年修理一各綫經費照章擬撥一官報等次照章納費一局用諸款由部維持一分立局所酌核歸併一冊報款目按年奏銷此外整頓各節容俟接收後體察情形切實辦理從之

摺包

旌表

守貞不變故陝西高陵縣生員樂燭聘妻任氏

包摺

癸酉直隸

總督陳夔龍奏熱河兵米發商採購賠累不堪擬酌增價銀改

歸官辦以蘇商困而裕兵食下部知之

包摺

甲戌諭內閣前據

錫恆電奏哈薩克台吉瑪木爾伯克控告塔爾巴哈台參贊大臣扎拉豐阿派令章京奇蘭等管理蒙哈加添無數差使並多方婪索一案當經諭令錫恆按照所訴各節確查嗣因錫恆病故復諭令忠瑞赴塔城接查茲據查明電奏所訴各節均屬實情自應量予懲處前塔爾巴哈台參贊大臣安成扎拉豐阿先後蒙奏冒徵扎拉豐阿復索取哈台吉銀兩馬匹魚肉邊蒙實屬辜恩溺職雖經病故安成著撤銷卹典扎拉豐阿著革職遞年經收各章京記名副都統協領奇蘭伊犁錫伯營領隊大臣花沙布後先派充邊防營務處既不能規止於前又復附和於後奇蘭總辦皮毛公司又不免阿人所好不知遠嫌

泰東陵員外郎准保知府巴達蘭佈補用協領佐領托克湍巴圖雖
係奉諭徵收究屬不合均著交部分別議處縣丞單遇亨身充
商夥出入衙署物議沸騰著即行革職餘著照所議辦理蒙哈
情形困苦嗣後務當加意撫綏約束章京等毋任苛擾以安衆
心用示朝廷體恤邊氓之至意現月諭軍機大臣等電寄湖廣
總督瑞澂據電奏釐定直省官制應以立憲政體爲根據參以
國境情形爲解決等語著憲政編查館會議政務處知道

電寄

科爾沁親王阿穆爾靈圭等奏前鋒護軍營事宜擬分別劃撥
管理並請將辦理新班值年大臣裁撤以一事權而資整頓從
之摺包籌辦江皖兩省賑務大臣侍郎盛宣懷奏江皖災重擬

請設立籌賑公所一面借墊鉅款趕放急賑又奏請由度支部
預墊核收世職開復兩項捐款郵傳部預撥開徐海鐵路工款
銀各三十萬兩以助賑務又奏變通捐款爲目前救急之計一

請將順直各省新舊賑捐暫行停止一部收各捐准歸籌賑公所專辦六個月一凡報効實銀一萬或五千以上者專案奏獎

給予實官從之

現月摺包

東三省總督錫良奏奉省政務殷繁請

將調用及投効之道府各官馮善徵等百三十四員擇尤留省俾資任使得旨奏留人數過多著該督切實核減具奏

摺包

以

試署奉天度支使齊福田爲奉天度支使

現月

以顧念邦交賞

奧國外部大臣愛倫搭爾等四員寶星

摺包

乙亥

穆宗毅皇帝忌辰遣官祭

惠陵

照錄

諭軍機大臣等載澤盛宣懷奏查明開平礦務一案始末

情形及現擬收回辦法一摺庚子之後該公司改爲中外合辦奏明有案張翼赴英涉訟得直歸國英使願爲調處袁世凱狃於成見不肯實行助力以致始終不克收回實屬失機太甚該礦本係華商公司此次陳夔龍遽議發給國家重利債票並不

預先請旨殊屬非是應勿庸議至所擬灤州礦局加招商股即就開灤兩礦發給公司債票歸併辦理如有把握尙爲可行惟中外公司從前款目轆轤甚多張翼爲原經手之人屆時仍應赴北洋會商辦理毋得置身事外倘或英使要求無厭該大臣等不妨堅持定見徐籌抵制總之此礦被佔英公堂判爲誑騙公道自在當無慮其久假不歸著外務部北洋大臣及張翼按照載澤等所奏各節妥籌辦法毋稍遷就

廷寄

又諭電寄直隸

總督陳夔龍據電奏天津保定各校業已一律上課等語辦理尙屬妥協以後如再滋生事端著遵前旨嚴行懲辦

電寄

雲貴

總督李經羲奏滇省各府遵章設學唯人款兩絀籌辦綦難擬改用模範辦法將全省劃爲五區每區各設模範中學及初級師範各一堂所有各區學款學生均量地方公費之盈絀及人民進化之遲速分別攤派以收實效而維久遠下部知之

摺包

山西巡撫丁寶銓奏籌辦各屬倉穀情形庫款支絀驟難購補
唯有勸導民倉量力捐助並另訂稽查整頓章程俾資遵守報
聞摺包以保舉陸軍人才予翰林院檢討陸文熙補用道王賡
送部引見旌表殉母捐軀福建侯官縣舉人陳應鏘未婚妻
知縣吳徵麒女鈺如摺包丙子

孝惠章皇后忌辰遣官祭

孝東陵

照錄

諭軍機大臣等有人奏郵傳部官辦鐵路濫借濫費懇

及時節查整理一摺著盛宣懷吳郁生按照所奏各節確切查
明認真整頓並將該部所有每年收支出入款項通盤澈查有
無弊端據實奏明一面咨明度支部查明以裕國用原摺並鈔
給閱看尋奏郵傳部借款實係用在路工並非賠墊息耗已成
之路多有入不敷出非藉京奉京漢兩路所餘以資挹注津浦
借款扣用小工五名目係照合同辦理酬勞一款業已刪去京

奉用人較多時有增減並無額外學習等名至掛名乾修兼差津貼已經裁撤折舊一項均經列入雜收車行用煤之數應以車行現數之多少爲定且機車有省煤費煤之別車行有重轍輕轍之分煤質有純駁優劣之判斷難強爲比例以上各節皆係查明實在情形惟有力加整頓以期廓清積弊報聞 學部左侍郎寶熙奏聞資政院審查宣統三年全國豫算案以歲入不敷擬將各省巡防隊裁撤四成撥充行政經費查直省幅員遼廓交通不便巡警未能遍設新軍專顧國防無與保安地方之責所藉以保衛治安者實惟巡防隊無事則分守要隘有事則徵集啟行禦外不足靖內有餘今一旦猝議裁撤竊恐宵小生心乘機滋事彼時調兵籌餉上煩宵旰憂勞下費計臣擘畫所失較之所減奚啻倍蓰現各省督撫皆力陳其害持之甚堅應請密飭閣部諸臣於商定陸軍預算時慎重主持慎勿輕議

裁減以杜亂萌下會議政務處陸軍部知之

包摺

廣州將軍兼

署兩廣總督增祺奏南洋僑民子弟就學維艱擬援照江甯暨南學堂辦法就粵省特設專校俾內渡求學愈形便利且益堅

其歸依祖國之忱得旨著張鳴岐體察情形妥籌辦理

包摺

河

南巡撫寶棻奏中國舊制管官官多管民官少久爲政治家所詬病然遽欲蠲棄一切以求合於東西各國則恐未受其益先承其弊今欲酌改外官制度唯當以吾國舊制度爲主酌量變通一督撫權限分晰宜加慎重司法外交劃歸中央唯軍事一項宜勿奪其統屬之權以資調遣一各司行政權限宜加限制司道職事直隸各部則責任不專宜削其直接中央之權令其輔助督撫執行政務以資統一地方行政官廳宜裁道留府中國地廣民衆旣裁巡道一級已少鈐制若並裁府缺專恃督撫各司考察於數千里之外雖國僑之智離婁之明有所不逮

包摺

範圍以內省會由兵備處審訊省外各屬由地方官審訊毋庸
送審檢各廳以示區別而遏亂萌得旨著照所請辦理以靖地
方而安邊民即著認真遵行其奉天吉林亦照此酌辦即由該
撫將此旨轉交錫良陳昭常恭閱

包摺

署郵傳部尚書唐紹怡

因病乞解職允之以右侍郎盛宣懷爲尚書候補侍郎吳郁生
爲右侍郎以郵傳部左侍郎沈雲沛爲吏部右侍郎前出使

英國大臣李經方署郵傳部左侍郎未到任前以右侍郎吳郁

生兼署

現月

以嗜好未除革黑龍江正黃旗雲騎尉景福等永

不敘用丁丑訓練禁衛軍大臣貝勒載濤等奏現屆第四期

編練之期步隊已由直隸山東挑選尙未訓練馬隊則咨行蒙
古四十九旗挑選尙未到齊且到營後尙須練習漢語施以教
育尤非數十日之力所可奏功應請將成軍日期量予展緩以
資實習從之御史玉春奏旗兵困苦請將前鋒護軍扣餉立

予規復下稽查守衛大臣知之

摺包

法部奏京師法律學堂畢

業學員擬請改用法官從之

摺包

賞赴德國衛生會監督章宗

祥寶星

早事

賞帑銀一萬兩撫恤察哈爾右翼四旗被災民戶

現月

戊寅諭內閣前據李經羲電奏大姚縣匪徒聚眾謀亂縣

城被陷收復當經諭令嚴拏首要並查起事原由茲據查明覆
奏匪首陳可培與會匪鄧良臣聚眾放飄潛謀起事入城劫殺
當經派令防勇鄉團等援擊陣斃生擒悍匪甚夥縣城當即收
復旋復拏獲陳可培鄧良臣訊明正法署大姚縣知縣鄭兆年
典史鄧龍光巡長謝蘭潤倉皇遁匿臨事畏葸均著即行革職
鄭兆年尚有發餉另案著仍留滇聽候查究所有在事出力人
員准其擇尤酌保數員毋許冒濫

現月

諭軍機大臣等電寄浙

江巡撫增韞據電奏浙省裁漕請以米石作正開銷免予補運

等語著度支部議奏

電寄

又諭增韞電奏浙省海關所有應解

洋款交由源豐潤於上海道蔡乃煌任內批解到滬乃該革道不掣給印批直至該號倒閉後將空批退回應責令該革道清繳以及該號所虧不止浙江一省擬各變各產各清各帳等語著增韞咨商張人駿妥籌辦理

電寄

召見翰林院編修施愚得

旨著以應升之缺開列在前 召見存記道直隸保定府知府

錫齡阿得旨著在任以道員遇缺儘先補用並交軍機處存記

現月

庫倫辦事大臣三多奏庫倫擇地添建

萬壽宮以肅觀瞻下部知之

摺包

開缺新疆巡撫聯魁奏奇臺縣游

匪抗違禁煙聚衆滋事陳明前後辦結情形並請將署知縣童

淦革職永不敘用以昭戒如所請行

摺包

以查禁種煙不力署

新疆綏來縣知縣文篤周下部嚴議

摺包

蠲緩山東青城利津

東平東阿陽穀壽張范濟甯歷城章邱鄒平淄川長山新城齊

東齊河濟陽禹城臨邑長清德州平原泰安肥城平陰惠民商

河濱州蒲台鄒菏泽曹鄆城濮州觀城朝城聊城館陶金鄉魚
台臨清膠州霑化滋陽益都博山臨淄博興高苑樂安昌樂安
邱昌邑濰高密即墨嶧汶上鉅野嘉祥海豐莒州陵德平陽信
樂陵曲阜甯陽泗水滕單城武定陶堂邑博平茌平清平莘冠
高唐恩夏津武城邱蘭山鄒城費沂水日照臨沂壽光九十一
州縣暨裁併德州東昌臨清濟甯東平五衛所永利永阜王家
崗官台四鹽場被災及沖塌村莊地畝新舊錢糧租課有差現
乙卯諭內閣陳夔龍電奏查拏著名無賴出身微賤之溫世
霖即溫子英原名溫昱曾充長隨多年聲名惡劣久爲衣冠不
齒此次在津竟敢假請願國會爲名結衆斂錢已屬有害地方
又復擅捏通國學界同志會名義妄稱會長遍電各省廣肆要
結同時罷課意圖煽惑居心實不可問請嚴行懲儆等語溫世
霖著即發往新疆交地方官嚴加管束以遏亂萌而弭隱患現

諭軍機大臣等前據資政院奏議決浙江鐵路公司仍照商律辦理一案請旨裁奪一摺著郵傳部仍照該部奏案辦理

又諭前據資政院奏議決四川鐵路公司虧倒鉅款一案請旨

裁奪一摺著郵傳部查照前案妥籌辦理

現月

引見留學日本

陸軍測繪學堂畢業生得旨李兆綸等七名均著賞給舉人授

爲測繪副軍校郭廷康等十名均著賞給舉人授爲測繪協軍

校馮家驄著賞給舉人以測繪協軍校記名補用

現月

杭州將

軍志銳奏謹陳杭防舉辦新政情形除學堂新軍頗有可觀外

巡警一局虛有其名擬歸併仁和縣辦理工藝廠規模固小程

度亦低其餘一切章程與各省無甚軒輊應俟陸續整頓以盡

職守報聞 又奏請變通銷除旗檔舊制下變通旗制處知之

又奏杭防禁煙不力擬照甯夏辦過章程設局配藥認真禁

戒並商明撫臣增韞籌助的款實力舉辦得旨著增韞按照此